

ايوه يا كاريمان - = ايوه - انا ايمان مرات هشام! هشام اللي انت ماشيه معاه ! = افندم ؟ هو ايه اللي انت بتقوليه ده ؟ -
اسمعي! صدقيني انا مش مكلماكمي عشان كده ! انا فعلا عندي مشكله اكبر من علاقتكم بكثير! = يا مدام ايمان يا ريت تهدي و
تعقلي كده! الكلام اللي بتقوليه ده... - يا بنتي اسمعيني ! انت متخيله انك اول واحده ؟ متخيله انك اخر واحده ؟ انا حقيقي عندي
مشكله اكبر من كده بكثير! - اووووف! كاريمان ! ركزي معايا لو سمحتي! عارفه عربيه هشام ؟ العربيه السبورتاج اللي طلبت
منه يجيبها سلفر و جابها ازرق عشان ده اللون اللي انت اخترتيه ! و قالي اصل السلفر مش متوفر و لما يجي هتبقى اغلي عشر
الاف جنيه ! و قعدتوا تضحكوا اني صدقت؟ = اااا! انا.... - يا بنتي انا عارفه كل حاجه امال انا جيبك رقمك منين ؟ الشات
بتاعكم مفتوح قدامي ! قوليلي بس عشان حقيقي في عندي مشكله اكبر بكثير من الحوارات دي انت كنتي راكبه معاه يوم
السبت اللي فات ؟ = انت شاكه انه يعرف حد تاني؟ - يا بنتي ما يعرف تاني و الا تالت هو انا ماسكه السجل المدني في مدينه
نصر يعني ؟ انا بسألك لاني عندي مشكله و حقيقي محتاجه رد صريح منك! = احم! ايوه انا كنت معاه.... هو وصلني ل...